

垂筐筐中置珠媒引珠來風張帆筐重則船不動乃落帆收琶（木旁）而上剖蚌出珠蚌有一珠者數珠者有絕無珠者有僅得珊瑚碎枝及五色文石金銀者蓋有數焉珠身以圓白光瑩細無絲絡者為精珠半明半暗者為褪光珠次肉珠次糙珠滑珠累（不旁）何珠官兩珠稅珠錢珠符珠稗珠古有此名今莫能盡辨但以精珠重一分者銀六倒二分者四十倒肉珠二分重者四倒合八百顆而成一兩者曰八百子則十倒合千顆而成一兩曰正千八倒其重七分者為珍八分者為寶故曰七沙八寶其價則莫可定云

凡珠歲有豐耗多得者謂之珠熟少曰珠荒然古時珠賤今珠貴古時合浦人以珠易米珠多而人不重今天下人無貴賤皆尚珠數萬金購至五方之市一夕而售奸人或以珠池為遁逃藪與官吏交通盜珠之人一而買珠之人千百產珠之池一隅而用珠之能極於東南湖富者以多珠為榮貧者以無珠為恥至有金子不如珠子之語此風俗之所以日偷也聖明在上不寶珠玉以樸儉身先是知望於今日矣

往總制林富有疏請罷採珠謂珠一採之後數年始生又數年始長又數年而始老故禁私採禁數採所以生長之今經數採即以人命易珠有不能多得者言甚愷切珠本神物善徒太守廉則珠復還予嘗至台浦止於城西賣魚橋故珠市也聞珠母肉作秋海棠或杏黃色甚甘鮮而性大寒草木記云採珠人以石柱作鮓今不可得士人餉我珠肉臘以為珍持以下酒謂珠比年皆絕徙又縣之後海龍歧青羸山荔枝莊一十三處亦產珠母羸以珠羸樹今皆無之元時張惟寅上狀言珠蚌生在數十丈水中取之必以繩引而縋人下氣欲絕則掣動其繩舟中人疾引而出稍遲則七竅流血而死或為惡魚所噬蚌逾百十得珠僅能一二乞申罷之其言與林富相表裏留心民命者可不知之

蚌蛤食月之光以成珠珠者月之光所凝故色白其肉亦白而背微紅則月中之一陽也白又以水之淡其水取之於月中故然也水者月光之所化雖在鹹海之中而精華不混蚌蛤實月之光於腹而成珠於唇珠在唇故嘗吐之以自媚也大抵蚌蛤以月

為命月者水之精珠則月之精其生不易故得之亦不易

合浦珠名曰南珠其出西洋者曰西珠出東洋者曰東珠東珠如豆青白色其光潤不如西珠西珠又不如南珠南珠自雷慶至交趾千里間六池出斷望者上次竹林次楊梅次平山至汗泥為下然皆美於洋珠宓山云洋珠大如豆者竟似夜光但易碎又輕一名玻璃珠其中空故輕凡珠有生珠有養珠生珠者以蚌曬之日中其口自開則珠光瑩謂之生珠若剖蚌出珠則黯黯矣是謂死珠養珠者以大蚌浸水盆中而以蚌質車作圓珠俟大蚌口開而投之頻易清水乘夜置月中大蚌采玩月華數月即成真珠是謂養珠養成與生珠如一蚌不知其出於人也蚌之精神蓋月之精神也 廣東新語

珠母海去石康八十里即合浦也凡珠當（王旁）出於蚌蚌母廣數寸長尺餘 寰宇記珠母者蚌也採珠必蛋丁鐵圍山叢談蛋人沒而得蚌剖珠蛋人自云海中珠池若城郭然其中光怪不可嚮通常有怪物護持 嶺外代答取珠人泊舟海港數十聯絡天氣晴即同開至池以鐵物墜網海底以鐵撥撥蚌滿網舉而入舟舟滿登岸取而剖之皆凡珠也偶或一舟得寶珠即有片雲如墨風陡作必舉而棄之始免覆溺然羣舟之中不知何舟得寶必咸棄之數十舟皆空手而回否則片板無存矣其蚌圓而底平與肉蚌不同 嶺南雜記

右新輯

建置志

城池
墟市

壇廟
津梁

廨署
書院

倉儲
礮臺

善堂
塔

坊表

邑境濱海自漢唐復為海北雄藩歷代經營類多建築迄今時勢雖變而創者少因者多其間修葺興廢情形幾難稽考茲參酌府志採其所有詳其所無悉以工程為準而經始年月及地位所在則比類書之志建置

城池

廉州府

府城創自宋元祐間紹聖時知府羅守成修皆土築明洪武三年百戶劉春增築西城六百九十丈五尺謂之舊城二十八年指揮孫全福移東城五十丈增廣土城四百一十八丈宣德間指揮王斌磚甃之謂之新城為門三東曰朝天後改朝陽西曰金肅南曰定海城濠一千五十一丈成化元年八月為西賊所陷七年舊濠作坎年知府林錦都指揮徐甯浚外濠七百九十五丈視前加深為林錦陞海北兵備道以舊城狹隘請於撫按得帑金若干命指揮張福展拓東南北三面並增敵樓串樓北城樓及誰（火脚）樓規模粗備以西門外河道通海防寇患加築月城正德間議定府衛分修真靖二年知府韓鸞復請之撫按自西由南而東屬衛自北而西屬府十五年雷雨傾圮知府張岳再築十八年颶風壞串樓知府陳健復修二十一年知府詹文光撤串樓為陽城三十四年知府何御重修又於東南二門增設月城制與西門同隆慶二年同知昌應會建礮臺九知府徐柏修城樓萬歷七年知府周宗武修自南而西北四百二十六丈增高百餘丈買窩鋪一百零六十年知府沈應科復修自北而東南亦四百餘丈增高二百丈易雉堞修城樓崇禎八年圮於水修治甫竣傾於颶知府郝抱素捐修清順治十八年知府孫昌裔修西門城樓康熙四年總兵張偉修東門城樓六年雷雨坍塌知府徐化民重修十年六月十九日颶風西門月城及四面女牆又坍塌知府徐化民率合浦令游名狂再修十一年知府徐化民復捐修府後城樓改舊制城垣周圍八百零二丈高三丈二尺原一丈五尺

外濠長一千零五十一丈闊二丈五尺深六尺七門樓四東西南月城小樓三串樓二十四窩舖六十三墩臺四望墩一百垛堞一千六百六十九順治初因明季之亂頽圯益甚逾年修復城樓十有六窩舖二十有四望墩三十有二垛堞全康熙二十二年知府佟圖勳率知縣楊祖增高西城門三尺並城樓窩舖新之康熙六十年知府徐成棟又修雍正四年大風雨壞北城八丈南城五丈知府蔣杲捐修七年復修乾隆十八年知府周碩勳以形家言首面一字文峯不宜閉塞率紳士開舊城南門為文明門乾隆三十九年知府康基田捐俸創開城內濠渠六百九十五丈闊二丈餘深丈餘造五拱橋於城內

西新東新玉帶青雲奎文

嘉慶三年台浦

知縣戴錫綸重疏浚令居民不得污塞立碑示禁五年靈雨西門月城崩台瀆知縣戴錫綸修復道光元年復靈雨濠渠壅塞文

明門右城基崩七丈餘靈山知縣張孝詩修復

按郡城西南合浦知縣督修東南靈山知縣督修東北欽州知州督修各有界石

池廣三丈五尺 大清一統志 明宣德間王斌浚成化二年林錦浚外濠七百九十五丈深倍於前

郝通志

白龍城在縣南八十里周三百三十丈有奇高一丈八尺東西南三門並城樓明洪武初創建

內有採珠太監公館珠瑤司延檢及鹽場大使衙門舊址 按水師汛地自永安抵龍

門沿海五六百里中間呼應鮮靈應修復白龍舊城移駐水師都司為水陸中樞俾聲援聯絡兼可策應郡城存其說以備採擇 周志

永安城為前明永安千戶守禦所昔在石康舊縣安仁里明洪武二十七年命沿海備倭乃遷永安千戶守禦所於合浦東一百八十里之海岸固仍名永安城周四百六十一丈高一丈八尺闊一丈五尺城濠周五百丈窩舖一十八城樓四先是千戶牛銘始建成化五年海北僉事林錦鑿外池重修四門樓敵樓各八角樓月城樓各四有正廳有吏目廨左右廂房重門鼓樓嘉靖十九年指揮耿一詩復修清康熙間移廉防同知駐劄後遷欽州防城雍正九年令合浦縣丞移駐與水師右營守備同城

按永安通近大洋為

廉瓊門戶歲久傾圮修復金湯以壯聲援亦未雨綢繆之要策

越州故城劉宋志 在縣東十里即陳伯紹所理元和郡縣志 宋置臨漳郡以界內漳或作漳 江為名及越州理於此郡國志伯紹平夷至合浦見三青牛固之不獲即於其處置城俗號青牛城寰宇記 在今縣東北八十里蓬萊鄉諸志謂在縣東十里據漢唐故城言也通志

合浦故城在縣西北十五多歡鄉大清一統志

安昌故城劉宋置郡後廢唐置縣 在合浦縣北宋泰始七年置安昌郡領武柔龍文石秋三縣舊唐書地理志越州領安昌縣武德五年置貞觀十二年廢入合浦按宋有安昌郡無安昌縣唐所置縣當即故郡地宋郡並三縣蓋皆廢於梁陳時按越州領百梁郡南齊志郡領百梁始昌宋西三縣蓋亦廢於梁陳時故址應皆府境或在縣東百良山下 大清一統志

唐州故城在府治北七十里蓬萊鄉唐州治也

已上故城府志列入古蹟今以無關志勝置此

今考城垣之築外磚而內土內取斜直外取陡直使難踰越在築城初意原為防禦敵人然城雖高無河護之則人易攀緣而上故於城之四圍再繫濠池

壇廟

府志壇廟羅列紛雜時有軼出營建範圍外茲專敘修築以祀典歸諸禮俗其不在秩祀之祠廟所見於禮俗寺觀及名勝祠墓

昔時創建都邑必先經營壇廟以明守土之義自後物力不豐官無餘帑此項土木工程多廢而不舉故祠宇之留存者亦漸頽圯而失修茲仍府志彙錄略加參改使人明舊制焉

廉州府

社稷壇 在城北半里

風雲雷雨山川壇 在府城南

先農壇 在東門外清雍正四年建高三尺縱橫各二丈拜壇高一尺配房各一間田九畝九分

厲壇 在社稷壇西俱明洪武三年知府鄒源建嘉靖二十四年知府胡鰲知縣胡濟世重修

城隍廟 在府治東宋元以來無考明洪武二年知府脫因重建嘉靖丁酉一年知府詹瑩修丁酉六年知府張岳修清康熙四年知

府陳良玉修五十九年知府徐成棟修乾隆二十四年知府陶洽重修有碑記道光元年知府何天衢重修并建正殿及捲棚

先於嘉慶二十一年捐錢二百千生息為每年廟祝及修理經費又捐俸建廟後屋十有五間逾年收賃息作香燈費道光五

年知府朱奎（木旁）修前座暨頭門十年知府張育春（土旁）重修後殿

萬壽宮 舊無專所清乾隆二十三年知府李際隆建於府署東道光三年知府朱奎（木旁）與官紳重修

今按萬壽宮典禮地方官每歲逢正月一日及太后皇上皇后誕節均行慶賀禮中間供奉牌位位上書皇帝萬歲萬萬歲

盤金龍為飾

府學聖廟 舊在城東門內後遷於南門外元惠管程狄移還舊址元末燬於火明洪武二年知府脫因重建成化八年僉事林

錦重修十年知府劉互（火旁）始造樂器嘉靖十七年知府張岳以舊宮後迫城隅改建於南門內元妙觀制中為聖廟為東

西廡為戟門為櫺星門前為泮池規模草創矣十八年知府陳健於偏左隙地復建號舍二十二年署府事市舶提舉司王宗

濬建石坊以代櫺星門二十六年知府胡鰲造兩廡神龕修殿廡三十三年知府何御製樂器置書籍修祭器萬曆三十三年

知府涂蕤拓其基後為明倫堂東西為齋堂堂後為教授訓導廡明季傾圮清康熙十一年知府徐化民五十九年知府徐成

棟先後修理名宦鄉賢兩祠始備乾隆四年咨准部復動項修葺十八年知府周碩勳率紳士開城南門以露一字文奉因遷

門低矮照壁高壓命府學訓導何洞以公捐餘資改而新之三十九年知府康基田修改戟門泮池櫺星門五十七年署知府

王謬教授鍾仲裕倡捐率邑人李符清王天祥等重建嘉慶二十年知府何天衢率閩郡官紳公捐增修光緒十一年知府李遂（王旁）重建

聖廟 嘉靖十五年知府張岳建於城外而屯中為聖廟左右為兩廡前為戟門外為櫺星門殿後為明倫堂後為教諭署堂左右為兩齋北為訓導廡南左為門門為三賢門右為敬一亭前為泮池周三十丈有奇十八年知府陳健復增建號舍二十間二十六年知府胡鯨三十四年知縣胡濟世相繼增修明季傾圮祭祀歸併府學清康熙四十年府設兩學紳士請即南屯舊址捐資建復其基周五百餘丈北抵城濠東南水渠為界西以小路為界雍正元年知縣鈕廷彩重建大成殿各祠次第修復乾隆五十八年署知縣唐夢陽教授鍾仲裕率紳士李符清黃奇圖等捐題改建於舊地之右嘉慶二十一年大成殿欲圮知府何天衢率邑人黃奇圖等公捐重修光緒十七年知府劉齊淶知縣鄭敦善重建

府名宦祠

府鄉賢祠

昭忠祠 在城隍廟後

縣名宦祠

縣鄉賢祠

賢良祠 在縣學宮左

今按上六祠府志略列入祀人姓名茲歸諸祀典

文昌宮 舊在府學明倫堂右舊址無存嘉慶十三年署知府萬光泰捐俸創建於縣學宮東

武廟 在府署東置有祀田坐落石頭井等土名三十六處共二百四十一址乾隆四十五年經把總賴安邦大明種十五石收

租七十七石五斗武營收管給廟僧香燈費嘉慶六年知府常格重修宣統元年重修

縣城隍廟 在縣署東嘉慶十三年知縣烏倚元建正座道光二年知縣倪澧建後座三座兩廊戲臺頭門

忠義孝弟祠 在縣學宮左

節孝祠 在縣學宮左

風神廟 在府城北門內勅賜宣仁昭泰封號制爲中堂耳房配房祠爲廟祝住所乾隆丁八年知縣廖佑齡重修置祀田坐落

清三圖調埠寨及三村圖下低寨七區共七十二畝零歲共租錢十二千一百八十八文以奉春秋祭祀及廟工食

如神廟 在三清廟左西向嘉慶二十四年知府何天衢創建附祀風師雨師

龍王廟 在城內太平坊今廢

惠澤廟 在府治東龍門水上祀五海龍王之神明宏治十八年乙丑夏三庚大旱苗稿諸禱罔應既而太守周夔閱一統志郡

治東龍門水上有廟曰惠澤遇旱取水禱雨輒應爰與神約禱三日得雨則新其廟率僚屬齋沐取水設壇三日果大雨眾

異之遂新其廟以答神貺清道光七年知府張育（土旁）春台浦縣知縣馮晉恩復建撥廟旁荒地給照管理每年租錢二千

爲香燈費九年知縣翁忠瀚撥包家塘田六坵種十二斗收租錢六千文

天后廟 一在府治南八里九頭嶺明洪武十五年千戶林春嘉靖十八年指揮劉滋建 一在海島亭後明並歷間鄉人捐十

字舖扶良西塚等處田收租一百一十石零除贍廟祝香燈餘存作修葺費清康熙五十七年知府施世驥五十九年知府徐

成棟修 一在小江墟南半里乾隆十五年士民重建四十六年修嘉慶元年重修 一在南城外相傳神像來自滙洲清初

徙滙洲民於內地神像爲居民奉之俱來康之商賈士庶飲食必祝顯靈特異自光緒十一年並仰勳等募捐重建易名三婆

廟 一在龍門村明萬曆三十九年王耀吾王席珍倡建崇禎四年生員王名宇熙宇重修圯清乾隆五十二年嘉慶十三年

王珊王日欽前後倡捐重修

火神廟 卽華光廟在城西門外祀田坐落蔡龍洞三馬秦嶺脚篤鸞港水鷄汀等處收租六十九石一斗又有土名蘇屋面山

底企坎大木根墳地溝等田被潘姓人等盜賣呈控有案道光十年重修

馬王廟 在校場東廉營主祀祀田坐落平田埔及廟後田共種六石一斗五升收租三十石四斗又各舖租八千八百四十

文武營經營

旗纛廟 在街治東今廢

羅公祠 在石康墟祀位詳祀典碑記詳文微

附城鄉各廟寺

北帝廟 在北門樓上祀田坐落羅村徑等處共種十三石九斗五升收租錢六十四千文又僧乘中捐置底龍洞馬卯卑一土

旁一田十坵種二石租十二石嘉慶二十五年知府何天衢倡闈郡捐修

三皇廟 元海北海南道楊成式有記今久廢元時令天下祀伏羲神農黃帝此三皇廟所由來也明洪武四年遣使祭歷代帝

王陵寢府州縣祀始罷

真君廟 在署東知府康基田令民以竹房安神像嘉慶六年合浦知縣劉方率紳士捐建撥九座嶺貧生田一百三十五坵種

七石每年租錢六十千又撻地溝望州嶺田共二十二坵每年租錢二十四千又三官樓脚及廟後舖八間每年租錢六十二

千文交紳士管理二十一年知府何天衢捐俸錢一百千生息為香燈修葺費道光九年知府張育一十旁一春重修

東嶽廟 在東門外明崇禎九年海北道張國經重建記云廡郡自大康作祖於艮方遙迤百餘里環抱起為郡城惜入首無高

峯以應主一則峽宜有保護因於過脈處左建東嶽廟右建東山寺以翌之則峽不單薄昔年屢之文明富庶實賴之因兵燹

傾圮清康熙十六年郡丞田鍾雨首倡建復勒於石置祀田坐落王家村等處種六石每年收租五十四石

五魁樓 定海門樓上乾隆四十一年知府康基田創建爲巽方高峯五十八年知府王諤暨閩紳士重修嘉慶四年知縣

戴錫綸重修十二年知縣馬倚元以東坡亭租撥入本樓坐落覽兒江羊毛江沙勤（十脚）龍狗洞等田共種十二石二斗五

升收租穀二十六石二斗零錢三千二百文又瓦舖二間 一在縣署前 一在西門外共租錢二十六千交紳士管理

清惠宮 在定海門外祀田坐落茅厝周家村共坡地一百一十坵種四十石六斗收租五十三石

右採錄府志

劉猛將軍廟 府治東清咸豐二年秋大旱士旁田禾損害明年因建此廟

今案將軍諱號傳聞不一朱坤靈泉筆記宋景定四年封劉錡爲楊威侯天曹猛將有敕書飛蝗入境漸食嘉禾賴爾神靈

剪滅無餘然則劉猛之神殆中興四將之一歟

自同治四年至光緒丁三年迭次加封爲保護普佑顯應靈惠襄濟翊化靈孚劉猛將軍

陳五公廟 陳五公廣西橫州人名不詳仕唐征蠻有功歷宋元明廟祀不絕相傳清道咸間上八圍地之迭有寇亂賴五公靈

爽藉以撲滅故今廟祀之盛遍上八圍

忠義祠 在城內大北街祀人姓名列祀典

右新輯

廨署

廣州府署 卽漢合浦郡舊址唐貞觀中改爲廉州宋元因之明洪武二年同知鄒源創建永樂十二年推官廖康正統八年知府朱勤天順三年知府饒秉鑑相繼興修創中爲黃堂後爲串堂左爲萬益庫右爲退省軒再後爲府宅有左右宴廳有避暑